



益齋亂藁卷第七

碑銘

有元高麗國清平山文殊寺施

藏經碑

泰定四年三月庚子僉議政丞臣恰等令中謁

者復于王曰天子之近臣司徒剛塔里中政院

使忽薦帖木爾受命天子之后伴來以僧性澄

寺人允聖等所進佛書一藏歸諸清平山文殊

寺施緡錢萬令取其息為皇太子皇子祈福各





取其誕辰飯僧閱經歲以為凡且曰樹碑以示  
永久臣等竊惟佛法入中國隨世與替且千餘  
歲皇朝謂其無為之宗有契十聖理廣度為心  
有補于仁政故尊信之尤篤今既以傳車輸其  
書數千里窮山之中又五食本以贍其徒斯乃  
佛者之幸也名山福地在天下不為少不鄙  
鄙者之幸也名山之福地在天下不為少不鄙  
邑爰置祝釐之所斯則非惟佛者之幸亦故邑  
之幸也將大書特書誇輝無極况中宮有百敬

不祗承請付執筆者以記于是以命臣某其銘  
曰  
於皇有元既世以仁陽春時雨亭毒九垓乃春  
金仙無為之教用其土苴利生禁暴是崇是敬  
厚復其徒不徯不賦顯習其書其書千函浩若  
烟海妙析毫釐廣色覆載律由戒立論自是興  
惟經之演惟慧之明路彼獲軒卓乎羊鹿載熏  
其香一林蓂蒿傲哀于竺曰葉曰難傲播于震

日騰與蘭梁取其祀我濟惟穀誓石者唐我割  
維玉伊澄伊堅服異心同既成法寶以奏爾功  
天后爾嘉載謀之地曰惟三韓樂善敦義維時  
維土我出我甥祝釐報上元也其誠于國之東  
之山之寺毋憚阻脩置郵往施發緡內帑俾轉  
食輪可繼以守誥王暨臣王拜稽首天子萬歲  
天后是偕本支百世鯁泠石爛鯨海塵飛維功  
德衆不騫不匱

光祿大夫平章政事上洛府院君方公祠  
堂碑

至正三年五月乙未左副代言中正大夫臣仁  
復傳王命于藝文春秋館若曰故平章政事上  
洛府院君臣祐官于上國甚見寵任而能盡忠  
我有家令雖云已予惟念之在懷其令領館事  
臣某記其行實于碑用勸來者臣謹按方氏世  
為慶尚道吳城縣士族其曾王父佑賢贈河南



侯王父亮贈河南郡公父得世任榮祿大夫柱  
國封義國公母金氏贈義國太夫人妻李氏器  
直司使光時之女封義國夫人皆以平章故而  
加恩也平章小字小公忠烈王時給事宮中改  
名臣祐齊國大長公主性嚴明左右有過毫髮  
不貸獨以謹慎日見親信至元二十六年隨公  
王入朝因謁東宮祐聖皇后一見留之賜名忙  
古台成宗尊祐聖為皇太后特授奉正大夫掌

謁丞尋加通奉大夫泉府夫卿武宗朝事壽元  
皇太后于興聖宮改將作院使進階正奉大夫  
兼掌謁卿帝曰忙古台宣力宮中年且勞矣朕  
嘉其功皇太后曰忙古台自先太后時至今吾  
見其益勤而未見少懈也進階榮祿大夫平章  
政事依前將作院使掌謁卿又曰高麗人善楷  
字孰能往使金書藏教以來非忙古台不可經  
成輩至京師則曰吾固知忙古台敏而能敬可



屬大事泰定皇后過之益厚晉郎老璫或毀之  
后曰忙古台建事裕聖明習法度非汝曹所及  
特授太子詹事改徽政院使天宗天歷二年加  
光祿大夫儲慶司使事七朝二太后參掌樞密  
獻納謀謨無不稱旨累賜貂裘珠衣帽金玉七  
寶腰帶江南腴田四千畝黃白金寶鈔不可勝  
計三年乞退東歸修禪興寺極其壯麗日往來  
以致華封之祝聞台姁成故人園棊鳴琴盡優

游者十餘年今上皇帝至正

壬午

夏台還朝年七

十六矣精力不衰上異之賜金龍綉衣寶鈔萬

貫明年九月適微疾庚寅卒于第特賜賙錢以

禮歸塋墳在禪興寺後岡即其寺中為祠宇哀

榮終始可謂無憾矣盡其忠于我者則至大間

遼陽洪重喜訢忠宣王錯用事大臣求與王廷

辨平章入侍興聖宮色有不豫太后問其故跪

曰重喜高麗逋民也願令與王為兩造耶且王



性剛必不能堪其辱臣恐復見故主不能乃由  
憂耳因泣下霑襟太后感悟言之帝即曰斥去  
重喜皇慶初朔方蕃王八驢迷思率衆自歸朝  
議將處之鴨綠之東平章奏曰高麗地猴多山  
無所田牧北俗居之必不樂徒令東民驚動或  
不安堵耳仁宗乃然其言而止祿守耶律者逸  
為征東首官既受命矣而平章白與聖官以為  
高麗樹功帝室非一世矣衣冠典禮不改其舊

惟世皇詔旨是

朝

遣祿守等無力非世皇意乎

于是有旨留祿守等勿遣倒刺沙之為左相也  
至五省之議甚力平章曰中宮輔臣諭如前意  
倒刺沙議訟事遂寢由是忠宣忠肅兩王皆體  
貌之爵上洛府院君階三重大臣號推忠敦信  
翼亮功臣令嗣王又命銘其功德垂耀無極所  
以褒崇之者亦至矣竊惟國家世承皇朝釐降  
之恩王宮侍從黃錄通籍于闕庭固不為少而



能以忠信保其寵祿者幾希况能尊宣德澤以利父母之邦乎若平章者其可尚也已是为銘  
銘曰

太微宮庭噫彼四星皇位之側其一顯允方公迪

簡海東入奉壺則其二既敏以明亦敬以誠乃宣

乃力其三乃心恭系奉四不忘扶我宗國其於聚

禪坊有貌在堂時事無忒其五有圭者碑式錫銘

詩後者於式其六

### 大都南城興福寺碑

佛者之因果修善獲報猶溉根食賢用能誘掖  
群迷以就功德京師南城之入南有寺曰興福  
去城市不遠蕭然有邱壑趣檀施者日來而釋  
子可以取養而修真也曰高麗僧元湛購地五  
畝與其徒崇安法雲等肇基而堂之有長城郡  
夫人任氏亦高麗人自世祖皇帝時遇知于椒  
闈賞賚甚厚常思有以祝釐而報上者莫為之



許聞是舉喜出楮幣若干緡以贍土木經營之  
費入腴由五十畝以充晨昏供養之需鳩上元  
村上棟下宇經始于皇慶二年秋落成于延祐  
四年春葺桶之崇房梳之潔於榮齋厨有嚴像  
設若有相之能事畢矣乃約世以高麗衲子三  
盟薰席蓋為其能于戒律也嘻湛安及雲暨任  
夫人去鄉國教千里不期而萃作為勝事力省  
而功備茲非循因之所致也乎自是以往上以

奉福朝廷下以需利生靈矢宮既見身子之絕  
大風不燼貧女之燈果報之說其亦有欲哉于  
固東人而與湛輩遊散辭其文因語以驗來者

海東曾溪山修禪社第十世別傳宗主重

續祖燈妙明尊者贈謚慧鑑國師碑銘

并序

粵若大浮圖出處默語皆非苟也出處係乎時  
語默存乎機所以發明其道以覺後覺者也故  
慧鑑國師其若是者乎諱萬恒俗姓朴氏考進



士諱景升熊群津人也師以儒家子為僧幼穎  
悟能自強于學長益不怠赴九山選中魁科拂  
衣往楓岳夏滿移栖智異山飢不重味寒不襲  
裘脇不至席者累稔迹晦而名彰忠烈王命往  
三藏社其師曾溪圓悟和尚亦諭之乃往後歷  
主朗月雲興禪源寺杜凡經指授若瞞而吟若  
酌而醒弟子至七百上大夫摠衣入社者不可  
勝計中矣異蒙山見其文偈歎賞不已齋和十

數乃貽書致古潭之號皇慶癸丑太尉王讌居  
永安宮安車卑邀至京城時方聚禪教夕流日  
夕以次講論師至捧唱風生辯若懸河王喜甚  
行同與手捧饌加法號別傳宗王重續祖燈妙  
明尊者袈裟衣裙帽襪光銀幣五十鎰以贖師  
還山志以付常住不歸于師延祐己未七月邁  
疾將移栖山前一夕南峯天不自仆有赤履魚  
于山谷至八月十八日薙浴更衣修遺書自占



墓池夜艾喚侍者搥鼓披袈裟據禪床聲喝告  
別略曰廓清五蘊真照無窮死生出沒月轉空  
中吾今下脚誰辨玄踪告爾弟子莫謾控空禪  
者景瑚問以去住之意則有何處不相逢渡河  
不用筏等語乃拍膝叉手含笑而化闍毘塔于  
寺之良岡壽七十一僧臘五十八訃聞王心惻  
悼贈謚慧鑒國師塔曰廣照之塔初母鄭氏夢  
天降翠幕有童子肌如水玉就視之遂合掌躍

入鄭氏懷及寤如納斗大石腕中啟藥之不効  
以已酉八月六日誕師因名幕兒洎示寂帶方  
郡民名白太者夢師登翠幕天去怪而明日奔  
至寺師已逝銘曰

師之德溫而直淵而塞師之學博以約精以確  
海印其心獅子其音曾溪其任提普照之鑰振  
圓悟之鐸斲蒙異之聖道之所存王者屈尊重  
幣華軒賁于山門釋子旁午湊我法乳法乳斯

溥萬彙時雨匪晦而隱害富其擴匪作而奮疇  
完其蘊既善諸身克利于人刻銘貞珉焜耀千  
春

有元高麗國會溪宗慈氏山瑩源寺寶鑑  
國師碑銘 并序

近世有大比邱推明佛祖之道以開來學曰普  
覺國尊其徒蓋教百十人而能鑽隆抱深妙契  
呼喙者惟寶鑑國師為然國師諱混邱字邱乙

舊名清玠俗姓金氏考贈會議評理諱弘富清  
風郡人也媿黃驪閔氏女禱于福靈寺觀音像  
以忠憲王二十七年辛亥七月二十七日誕焉  
幼與群兒戲聚瓦石為塔廟休則面壁若有思  
念形貌端嚴性又慈祥故親戚目為小彌陀十  
歲投無為寺禪師天鏡祝髮以九山選首登上  
工科棄去從普覺學自詭非覩聞與不正始普  
覺夢一僧來自謂五祖演詰朝師往謁心獨怪



之及是歎其敏而勤語衆曰吾夢有徵矣洎嗣  
席開堂其師衆規繩講若畫一而雍容閑雅過  
之忠烈王賜伽黎法眼累下批至大禪師德陵  
即政特授兩街都僧統加大師子王法寶藏海  
國一之號皇慶癸丑德陵謝位處永安宮屢遣  
中使舉輿致之從容談道或至日暮于是諗國  
王以祖宗舊例冊命師為悟佛心宗解行圓滿  
鑑智王師兩王同樞衣請益前古未有既教年

乞退甚懇許之因命往瑩源寺寺本禪院元貞  
中為智者宗所有以師故始復其舊焉至至理  
二年冬十月感疾移錫于松林寺修遺書封印  
付侍者越三十日盥浴說法別衆其略曰荆棘  
林中下脚干戈叢裡藏身今日路頭果在何處  
白雲斷處是青山行人更在青山外既乃還方  
丈據牀而逝師沉厚寡言學無不窺為詩又富  
瞻有語錄兩卷歌頌雜著二卷新編水陸儀文



二卷重編指頌事苑三十卷行叢林間中英象  
山異禪師嘗作無極說附海舶以寄之師默領  
其意禪師自號無極老人報年七十三僧夏六  
十三王聞訃追悼贈謚寶鑑國師塔曰妙應仍  
命臣某書其德行于碑臣聞佛氏喜言福智修  
己而物應者也缺一二不足以自立寧能信于  
人乎師凡七增秩六錫號九歷名藍再任內院  
為一國釋林之首受兩王函文之禮人無異論

咸謂之宜非所謂福智二嚴者孰克如是哉其  
撰詞刻石傳示後世臣可以無愧矣銘曰

夏彼心宗逾海而東厥派惟九道義其首絕

初昆代有哲人守正簪失雲門之一博學萬行

麟角之明顯允鑑智侯其嫡嗣淵乎其懷卓乎

其才爰踵其志王于稱于祖既王宗盟諸方盡

傾旁涉書史所精究理奮筆為文秋濤春雲王

于體貌籠以嘉號匪惟寵之北面以師釋林慶



賴師不是大掛錫雲山陰福區寰慧答忽遜王  
心是惻俾臣作銘揚芬億齡匪學斯悖匪思斯  
憤有緇其衣勗哉我希

王順妃許氏墓誌銘

惟皇元後至元元年歲在乙亥月日高麗國王  
順妃薨春秋六十五姓許氏孔巖郡人也曾祖  
諱京皇檢校尚書右僕射行禮賓少卿知制誥  
祖諱遜皇銀青光祿大夫樞密院副使禮部尚

書翰林直學士承旨考諱洪皇匡靖大夫僉議  
中贊修文殿大學士監修國史判典禮司事世  
子師贈謚文敬公配享忠烈廟莫不才高視草  
擅手筆于摘華任重調梅煥腰章于累葉而又  
敬克勤克儉不吝不驕溫々惟德之基蹇々匪  
躬之故積善有慶不亦宜乎妃英精毓麗質  
方娥橫月玉簫感秦樓之鳳吹波羅襪步洛浦  
之龍迨夫至大己酉冊為王順妃無言成桃李



之蹊有信奉蘋蘩之祀綠衣之諷不興于時彤  
管之書足信于世有男三人女四人長曰順正  
君璿本朝錫爵稱府院大君天子疏恩拜翰林  
學士次曰雙峰長老慈覺脫身紈綺抗志烟霞  
破法匠之推尊號禪師而加大次日懷仁君稍  
習狄鞮之語叅虎衛之行例象分茅何止說三  
韓公族名揚剖竹已為兩浙州官女長曰永福  
翁王適襄陽君金臺彥次日延禧翁王適中書

左丞吉吉反懿妻知敬仲之賢苗氏見韋郎之  
孝以令况古亦無愧焉矣次則曰伯顏忽為皇  
后也導太真以霓裳琴瑟之和已洽貯阿嬌以  
金屋翟禴之寵俄崇妃由是芝綸得賜于華冠  
簞第親朝于蕊闈累內帑之珍賜奉璽命以榮  
歸閑紺宇之檀筵寫琅函之具典祝釐報上可  
謂至矣次日慶寧翁王適慶陽君盧頊愛鍾于  
季那無九十之儀配得其賢罔有二三之德今



則懷仁去水陸萬里想猶阻于訃音皇后處雲  
霄九重義莫臨于哭位順正雙峰永福延禧並  
先晞于薤露嗟永負于棘風故于妃之喪自歛  
及塋惟慶寧翁主與慶陽獨得以盡心焉屬纊  
而哀動城崩蓋棺而淚傾河注以明年丙子二  
月壬寅寔于德水縣觀山之原禮也且徵拙筆  
用勒幽銘豈比蜀王枉殉佳人之境惟慚漢客  
曹題幼婦之碑銘曰

於赫許宗興自國初世濟其美史不絕書文敬  
謙、敦儉慎德天祐陰功猶播有禧儲祥夢虺  
有女之英笑葉讓麗蘭蒞羞馨既沐銀潢載繁  
玉葉寵溢門閭光增譜牒不寧一宗邦人仰之  
不寧一邦天子賞之年踰耳順終始哀榮青鳥  
卜北方相啟行鬱彼佳城臨平之年邦君之妃  
皇后之母

推誠亮節功臣重大匡光陽君崔公墓誌

銘有序

完山崔氏自禮部郎中鈞死節西一作賊為名  
冢其子甫淳相高王謚又定又定生奉御允偁  
奉御生學士佶學士生贊成事毗一娶司宰卿  
辛洪成之女生公公五易名阜璫琇寶最後名  
誠之字統夫號松坡未弱冠以進士及至元甲  
申第管記雞林入補史館選為春官屬陵德陵  
朝元執政畏惡德陵百計誘之使去公笑曰窮

達在天休于利非士也及大德末扶皇太弟足  
內難擁立武宗皇帝公常居左右贊襄之人無  
知者由朝顯摠郎六遷為三司右使階奉翊尋  
轉僉議評理三司使僉議贊成事階重大臣號  
推誠亮節功臣封光陽君德陵如吐番公之子  
文度聞難馳赴道遇公與俱追至關西僧圓明  
叛阻兵中南不得前事定踰隴抵洮鬼域之境  
單騎不可行留洮上半年方還會本國人分黨



相訢朝廷議五省比內地公與前宰相金廷美  
李齊賢等獻書陳利害遂寢其議潘府僚佐又  
疏國家得失將言之廟堂公獨不肯署最後主  
謀者同坐府中令錄事持紙筆請署公厲聲曰  
吾嘗備位宰相僉錄欲相脅耶衆沮喪恭定甲  
子上市書求退得允以光陽君家居畜聲妓台賓  
客清談雅笑不問人間事至順庚午感疾至上  
日癸亥牛子第壽六十五有司克喪事謚文簡

公公性剝直不妄語字畫楷正詩韻籍可喜尤  
邃陰陽推步之法任風憲選舉星官詞苑且二  
十年德陵眷遇終始無出右者嘗闢春塲取安  
震等三十三人名士居多夫人金氏贊成事純  
村居士暄之女賢有行光三年止一子前上護  
軍文度讀書喜程朱學先達皆從之遊一女適  
萬戶密直副使權謙云銘曰  
為名家之詞得其君而伸其志進以禮而退以

義有賢妻以養其生有良子以送其死求之今時十無一二嗚呼光陽可無憾矣

匡靖大夫僉議叅理護軍羅公墓誌銘

至正四年甲申八月己丑匡靖大夫僉議叅理羅公卒王命有司弔誅贈謚良節其年十一月庚寅以禮塋于松林縣藥師院之北原公諱益禧籍貫羅州三韓功臣大匡諱聰禮十一世孫曾祖諱孝全皇贈太中大夫禮部尚書知都省

事祖諱得璜皇金紫光祿大夫守司空尚書左僕射判戶部事致仕皇懷遠大將軍管軍上萬戶奉翊大夫知叅直司事軍簿判書上將軍世子元賓諱裕為公考皇銀青光祿大夫同知樞密院事兵部尚書上將軍趙諱文柱之女郡夫人為公妣娶翰林直學士朝列大夫三重天匡判都僉議司事默軒先生閔諱清之女生男女二人女適奉翊大夫同知叅直司事上護



軍崔又度男曰英傑今為奉翊大夫監直副司  
上護軍公自以將家子幼習武藝不暇讀書而  
天性耿介慕節義恥與爭訟母夫人分家產別  
遺歲獲為口四十公辭為曰以一男而居五女  
之中烏忍苟得其贏以累鳩鳩之仁夫人義而  
許之年十七受皇朝宣命帶金符為上千戶懷  
遠卒後襲爵為管軍上萬戶階虎德將軍帶三  
珠虎符志烈壬季年為神虎衛護軍賜金紫兼

僉議中事德陵痛革舊弊朝士一切罷黜于郎  
官獨留公時命令一下百司奉行若恐不及公  
守法多所封駁權貴側目或憾以危言不為動  
落職十年方為檢校上護軍七年遷監門衛上  
護軍轉千牛衛兼中門使換左常侍三遷為匡  
靖大夫商議評理封錦城君年五十七授其子  
世爵閑居又十七年每念民生休戚人才用捨  
負手感鼻獨行園庭若有隱憂者嘗一尹難林三

頌合浦廉勤慈惠南民至今稱誦之今王嗣政  
起復為僉議叅理世所謂五宰者貌甚癯耳頌  
重聽然臨事慷慨不少懈一日語判三司事李  
齊賢曰吾君幼委任宰相彼負且乘者不誠覆  
轍吾其引避毋懼為十手所指公當云何齊賢  
謝曰僕前以二三策曉執政者未見施行常愧  
不能勇去敢不惟公言是從後十許日聞公告  
以病意謂欲遂前計嗚呼為知其竟不起也亟

往弔哭而退子與琦繼而踵門乞鄙文將銘石  
納窆義不可辭受而為銘明日上書自免庶幾  
不負公言予存沒也其銘曰

為官惠慈為將廉耻惟義之求不怵勢利由稟  
受能匪學以致鏃而羽之入不止此顧予何人  
晚辱知己敢負一言而謂公死

推誠翊祚同德輔理功臣三重大臣修文  
殿大提舉領都僉議使司事永嘉府院君



贈謚文正公權公墓誌銘

大德辛丑菊齋權文正公提衡春官齊賢幸中  
丙第公妻以其子因得師事者四十有七年至  
正丙戌公年八十有五其秋邁疾冬十月己巳  
命左右扶起端坐而逝齊賢往弔痛哭其後數  
日諸孤泣且告曰日君為吾太夫人銘墓令大  
人見棄以後十月丁酉合塋于德水縣鉢松原  
所以先昭幽堂又非君誰記于是乃退而叙之

曰公古昌權氏諱永字耆卿後改溥而字齊萬  
曾王父諱守平尚書左僕射王父諱彊翰林學  
士考諱昨贊成事判典禮致仕謚文清妣盧氏  
左諫議大夫諱演之女也公年十五舉進士及  
己卯第中簾前試錄詹事府移國學諭轉博  
士拜右正言累遷至僉議舍人又累遷至詞林  
學士秘書監改右副承旨判禮部寺事入奏直  
為學士至判司事遷都僉議至贊成事乃遂拜



政丞判選部事加修文殿大提學領都僉議使  
司事階自升仕郎至三重大匡館職自知制誥  
至大石文監春秋爵永嘉府院君號推誠翊祚  
同德輔理功臣又嘗為征東行省員外郎中  
王府斷事官未嘗一補外寄一見碑劾此其凡  
也夫人柳氏貞慎公陞一女封下國生五子準  
宗頂舉煦謙準封吉昌煦難林謙福安皆院君  
舉知都僉議事文化君宗頂出家為兩街都總

攝亦封廣福君長女適代言女惟忠次適府院  
君李齊賢次適順正大君璿次適淮安大君珣  
皆王氏一家九封君古未之有焉文清年高無  
恙而公知貢舉及公以冢宰懸車吉昌引門生  
稱壽公之二門生門生之三门生相繼掌試亦  
可謂盛事矣遠祖太師金幸佐太祖有功賜姓  
權世濟其美以至文清禱於福靈寺水月菩薩  
像以中統三年仲冬十有一日。將晡而生公



戊子己未虛拱王已之祿而互衝發之天機之  
妙如此公溫乎春風湛乎晴空敬以事君誠以  
事親睦于僚友惠于族姻目不暇粉黛口不商  
財賄齒既北雖于姪待之如肩爵既崇雖與臺  
過之如尊者讀書老不輟註銀臺詩二十卷觀  
者服其賅博為詩文簡而警閱默軒清洪信齋  
革每擊節嘆賞而不以是自於任政房十有三  
年位宰相二十有二年而不以是自滿嚮用互

福不亦宜哉其銘

權系于金寶田雞林世紹德音其一文人其承道

義孔富天畀貴壽其二克念公心克踐公行益萬

餘慶其三絕々雲來道爾敬敬不疑何卜其四

有元高麗國輸誠守義協贊輔理功臣壁

上三韓三重大匡彥陽府院君贈謚貞烈

公金公墓誌銘

公姓金氏諱倫字無已號竹軒又號鷲村雞林

參陽人也曾大父皇太師門下侍郎平章事贈  
謚威烈公諱就礪大父皇太傅門下侍郎平章  
事贈謚翊戴公諱佺考皇都僉議叅理集賢殿  
大學士監修國史贈謚文慎公諱晰妣皇陽川  
郡太夫人許氏僉議中贊修文殿大學士贈謚  
文敬公諱珙之一女以至元十四年丁丑夏六  
月二十有九日丁亥生公十七年庚寅哈丹寇  
我疆我遷都江華文敬為冢宰殿國人至後命

公孳冢以先公年十四指畫如成人一族賴之  
蔭補鹵簿判官轉典廐丞由別將陞郎將為率  
龍行首左都知右中禁二指諭拜神虎衛護軍  
兼監察侍丞累遷獻部議郎典符令中門使兼  
司憲執義提點典符密直右副承旨以檢校僉  
議評理階匡靖大夫出刺忠水益三州入為讞  
選二部典書密直副使以慶尚全羅都巡問使  
鎮合浦加僉議評理商議會議都監事三司左



右使封彥陽君階三重大匡號推誠贊理功臣  
又加都僉議贊成事判版圖司事號推誠守義  
協贊功臣遂拜左政丞未幾乞退封府院君階  
壁上三韓號加輔理二字此歷官出處大略也  
其為護軍也洪忠正子藩舉以為辨正都監副  
使有巨室與鄉民爭一女奴子孫百口公閱其  
籍曰此某代某相某歲月與諸子立券者距今  
若干年矣齒女奴子若孫以較先後相懸而女

奴之名一字微扁豈改魚為魯者乎某相諸子  
俱有後當家置籍一本盍取而考其異同如其  
言巨室遂証其為侍丞也某甲乙二人爭家口  
乙曰先世嘗訟于臺知臺姓許忘名別白而分  
與之甲所得物故無由策乙家卒得蕃殖因遺  
火亡其籍甲幸災誣乙為魚并爾公默計歲月  
曰所謂許知臺必吾家文敬公也命吏檢當時  
部簿所分名數俱存以詰甲申亦証其精詳多

類此內臣扶憾于歐五品郎殿門公劾論甚峻  
兼劾證左言不以寔為內臣地者內臣者方有  
寵證左亦達官大族排根公右官為州時大修  
宮室及佛廟驅民就役使者旁午皆憚公非不  
得已莫敢入境州人賴以息肩其鎮合浦也軍  
將不敢以緩急私境于民州郡不得以喜怒妄  
加于吏天子之使來觀之卒乘之肅號令之嚴  
無不悚然以敬及與之遊政左右馳射舍拔屢

中則又歡然以樂所至稱道不容口公嘗從忠  
烈王入朝忠宣王曰候于邸從臣慕願退縮公  
身兼教任獨侍左右忠烈嘉其志忠宣亦待以  
禮毅陵見留京師五年潘王得幸天子群不送  
之徒誘魯國人上言願得潘王為王公與弟元  
尹禍獨不署名狀中或私于公曰違衆自異若  
後悔何公罵曰臣無二心職耳何後悔之有曾  
頓構亂自速兵死永陵命公訊其黨于巡軍萬



戶府一府嫉其從逆勇欲考掠痛理公曰此輩  
誑誤于曾頓指喉何足責哉若使傷肌膚毀筋  
骨必謂我枉法強服以欺朝廷乃弛其刑因感  
悅首罪無隱永陵被徵道台公與偕公年過六  
旬聞命馳赴教日及之鴨綠江至則丞相伯顏  
奏令五府官推問而力右頓黨頓黨多利口公  
折以片言辭理簡直五府官改容目之為白鬚  
宰相永陵得釋東歸襲爵四年詭構媚毛天子

賜以襲衣尊酒而寵普賢未繼遣朵赤須德音  
王出迎朵赤露及扶王載一騎馳去公時家居  
聞變遽起痛不及奔問諸寵普又知其不可以  
義感退與宰相言所以乞哀朝廷者咸曰陪臣  
犯天威恐有大譴公慷慨責之曰臣與君父子  
也子救父孰以為罪畏罪不救可謂子乎于是  
始議上書卒不果公終憤之形于顏色公至與  
嗣王誘公請謚事對曰先王不返徒以僉壬飲

怨累德令其禍首猶在必先舉正厥罪以明光  
王之非辜然後可請因疏其人罪惡上之兩宮  
感悟轉呈朝廷授公改正贈謚二請表入奏謝  
曰臣桑榆之年七十有二恐顛殞道路以辱明  
命未死敢不勉退而理裝行有日矣遽得風疾  
十日不飲水漿令左右扶起具衣冠趺坐而逝  
寶至正八年戊子二月二日也訃聞輟朝三日  
官庀葬事贈謚貞烈公是月二十四日窆于大

德山感應寺之巽岡祔文慎公兆域遵理命也  
公喜觀書多識典故問有響應無疑仁于宗姻  
信于故舊見其未必置酒竟日極歡悃悃如漢  
吏而疾惡嘉善之公無擇于威疎曠達若晉士  
而愛君憂民之功不渝于夷險故賢者慕不肖  
者畏街童巷婦聞稱竹軒亦知其為公也夫人  
副知密直司事崔諱瑞之女先一年沒贈下韓  
國夫人生七男二女曰可器版圖總郎金海府



使先沒曰敬直重大匡陽城君曰宗烜出家為  
華嚴師曰達岑亦出家為禪師曰淑明開城判  
官曰希祖典理判書藝文提學曰承矩通禮門  
副使女遠驪興君閔思平一遠宗簿令金輝南  
亦先沒輝南化平人與公非一金也庶出男曰  
穢迹二女未遠人某辱知于公見謂詩友而希  
祖又委禽為子壻其銘義不可負謹取李執義  
達哀善狀槩括而為序且系以辭嗚呼風教之

移世也剛可使繞夫指分方可使內夫相也昂  
柱車不尚烹兮冠首履不愧獎也允也貞烈考  
溫而屬儼而和也松柏手歲寒兮砥柱手顛波  
也榮慕而瘁擯兮我獨敦乎信也害達而利後  
兮我獨乎忠也化斯民之庶幾兮有諸已之不  
啻也胡登庸而惠疇兮寧一飯而安吾君也倦  
倦乎刷恥于國家兮汲々乎除民之賊也嗚呼  
如公兮當求諸古人之中也

有元高麗國誠勤翊贊劬節功臣重大臣  
星山君贈諡文烈公墓誌銘

墓之有誌古也世代既遠或有崩隳見其誌知其為誰所藏固有不忍不掩焉者士君子墓其親所不可後者也星山君李公卒逾年余始為之撰銘蓋有由焉曹頓之變始徵永陵入覲至則丞相伯顏蓄宿憾至使與不臣臣兩造而置辭公慷慨發憤謂余曰吾訴丞相之前其意可

回列戟守門莫叫其閤幸其出田城南吾當上書道左碎首馬蹄之下死明君枉吾子其把筆書吾書夜起沐浴鷄鳴將行伯顏遽以是日敗余感其義語之曰死生不可期然公長我且二十歲有不諱不敢受鄙文以銘幽堂公笑許之永陵復國明年冬嘗步自北宮彈雀于松岡公遙造跪曰殿下寧忘明夷之時乎今惡少假威略婦女挾貨財民不樂其生朝夕禍至恐往者



之不啻此而不恤顧玩細娛乎永陵始甚怒已  
而謝遣之既出從者為惡少所毆以其言已事  
也公即歸臥故園不交人間事嗟乎經曰諸侯  
有諍臣五人雖無道不失其國公之去也若有  
骨鯁之繼而言之岳陽之辱其庶乎可免公沒  
其孫仁復服闋如京授行狀且曰大父理命俾  
徵前言可銘墓近而塗遠不及相聞蘇敬告于  
是乎無以為辭也謹受其狀而次之公姓李氏

諱元年字元老京山府龍山里人也曾祖諱敦  
文祖諱得禧考諱長庚皆為府史考後贈某官  
妣某氏贈某郡夫人公年十七以鄉貢進士登  
第丙科調安南府書記移晉州牧司錄事通  
文署典籤江陵府遷通禮明祗候轉禮賓內給  
事出知陝州入為郎秘書以前秘書丞起為奉  
善大夫司憲掌令自是階至重大匡官至政堂  
文學上護軍館職至進賢大提學賜號誠勤翊

贊劾節功臣星山君爵也文烈公謚也公為人  
短小精悍確志敢言所歷多聲績而其大節可  
稱者五大德末公從忠烈王朝京師忠宣王來  
問安群僚素黨王家皆懷疑縮匿公恃無他進  
退惟謹例遠竄歸而居鄉十三年未嘗一出言  
自訟其非罪一也群不逞訟忠肅王于朝見留  
五年公與十六士署一紙欲赴闕以請公竟獨  
走四千里獻書二也初永陵奉詔宿衛春秋富

頗以不謹公思誠之因告歸進曰殿下興大臣  
貴戚比肩事天子宜曰慎一曰何乃棄禮縱情  
以速累乎然此非殿下之過殿下長于阿保之  
家所共遊多無賴子其從朴仲仁李仁吉賢左  
右之孰從而聞正言見正事乎殿下惟佞倖之  
遠而親儒雅改行自飭則可不然天威咫尺其  
嚴乎永陵不能堪其言踰牖走後頗念之三也  
并欲死于伯顏而勇去二者而五也嗚呼可不



謂賢哉公至元六年己巳某月某甲子生至正三年癸未五月己巳卒葬以其月辛卯墓在其鄉之奎洞夫人草溪鄭氏監察大夫允宜之女一子曰褒密直副使上護軍孫七八長即仁履右副代言左諫議大夫嘗射策皇朝制科云銘曰膽偉于身質愈于文勤以從政誠以事君既爵而壽有子與孫謂天不賚耒視里門有元高麗國匡靖大夫都僉議叅理上護

軍春軒先生崔良敬公墓誌銘

春軒崔良敬公諱文度字義民年五十有四至正五年六月癸丑卒卜得八月壬申墓于玉金山之麓以祔先塋禮也子曰思儉先歿孫皆幼長女壻左諫議大夫鄭輔在京師未歸次女壻版圖正郎閔璿以羅夫人之命丐文于予將鏡石納壙予老矣懦于紀揆自以平生相為知己義不可辭把筆題其端曰春軒先生墓銘或誌

之曰春軒起自將官且其齒下于子六年子乃  
先生豈有說乎荅曰春軒光陽君諱誠之之子  
也贊成事大提學致仕諱毗一其王父也戶部  
尚書翰林學士致仕諱伯其曾王父也贊成事  
大司學致仕金諱垣其外王父也固儒雅搢紳  
之胄也然而光陽君過知于德陵典機密專選  
舉二十餘年聲勢藉甚春軒宿衛中朝習蒙古  
字語綺襦紈袴之與處韋韜毳帽之與遊是宜

富且驕而于格物致知修己理人之道莫得其  
門而入焉顧能出則手弓劍入則目簡編漁溪  
二程晦菴之書皆彙而觀之夙興夜寐必將詳  
節目極蘊奧心得躬行然後乃已溫然如春陽  
湛然如秋波雖僕妾未嘗一見其平怒而遽喜  
也德陵遜于西蕃春軒奉光陽君奔問洸隴往  
返萬里悅容愉色不懈光陽安焉忠肅王入朝  
藩府用事者煽起閱牆之禍詭口反騰舉無全



人春軒身從其居而志從其義直而能敬彼此  
無憾喪二親三年立家廟事亡如存于男女皆  
先夫人金氏出事羅夫人亦莫知其為繼母焉  
其判書典法司也嬖倖莫能逐其姦奉使平壤  
雙城也頑獷莫能肆其欺及乎入密直升僉議  
一國之士喜于柄用而民蒙其惠天不假年奄  
爾淪逝莫不驚嗟或至膏涕嗚呼春軒之道盡  
于已而信于人行于家而及于國存繫蒼生之

望歿興殄瘁之悲求于今絕無而僅有者也予  
以老自居以儒自私而不先生春軒可乎哉可  
乎哉其銘曰

儒而匪儒世則賢繁匪儒而儒獨吾春軒

金文英公夫人許氏墓誌銘

夫人許氏中贊文敬公諱珙之第二女大父樞  
密院副使諱遂曾大父禮賓少卿諱京母尹氏  
政堂文學平公諱克敏之女夫人生而謹愿文

敬所鍾愛尹氏之產曰直乙丑或以夫人之生  
年請改卜又敬曰吾此女後必享福無嫌也擇  
佳婿妻故相上洛居又英金公諱恂金許皆大  
族也侈富相高夫人禮法自持人無間言又英  
晚喜聲妓無妒容後又英十二年至順壬申七  
月卒邗病卒凡生子男四女三長曰水墩奉常  
大夫典法總郎次曰永暉與威衛郎將次則出  
冢名思順慈恩宗大德次曰永照奉善大夫資

贍司使一女適大匡清河君鄭慎先沒次適大  
匡上黨君白頤正李適王人別里奇不花江浙  
省叅知政事云銘曰

柔婉中正婦德之備寬淑惠和母則之懿於惟  
文敬鑑裁孔明矧于厥子賞宜益精作配君子  
允滅克壽我銘幽壤用諗攸人

大元制封遼陽縣君高麗國三韓太夫人

李氏墓誌銘 有序



大夫人姓李氏興禮府人曾大父諱浮匡司宰  
主簿大父諱祐父諱椿年皆不仕既葬歸韓山  
李氏監井邑務諱自成原兩家得氏之故非一  
李也生三男一女長曰培次天次曰毅女適長  
氏光後井邑府君卒守寡四十餘年明敏慈嚴  
勉二子宦學俾有立培官司儀署丞毅登國試  
秀才科又登皇朝制科令以奉儀大夫為郎中  
征東行省又為國相爵韓山君由是朝命井井

邑府君秘書監丞太夫人封縣君而國命封三  
韓國太夫人當世榮之年八十三至正十年十  
月壬寅卒其年十二月丙申葬韓原銘曰  
持身有節訓子有則士也其難惟母時克身享  
尊榮由于名遂刻文幽墟以永厥視

下韓國太夫人柳氏墓誌銘 并序

子壻推誠亮節佐理功臣三重大匡判三  
司事領藝文館事上護軍李齊賢撰曾孫

宣武將軍合浦鎮邊萬戶府萬戶奉翊大  
夫右常侍權 鏞書篆

始寧柳氏自國初為著姓有大丞車遠者佐太  
祖有功其七世孫文簡公權以文學忝大  
政生右僕射諱澤僕射生侍中文正公諱璩文  
正生知僉議司事負慎公諱陞娶同知樞密院  
事洪諱縉之女是生太夫人年十三歸權氏為  
令領僉議司事永嘉府院君菊齋公之室孝舅

姑仁親戚教子孫以禮使婢妾以義不御鉛華  
不服文繡巫尼卜祝罕言于口子毋利息恥計  
于心與菊齋公居六十七年終始無小忤雍  
如也至正四年甲申八月感疾壬戌薨王聞訃  
命有司襄葬事公辭焉則特贈下韓國賢信和  
淑太夫人其年九月甲辰窆于德水縣之鉢松  
原之北禮也男曰準吉昌府院君曰宗頂出家  
為曹溪宗都總攝大禪師曰聿知僉議司事曰



煦雞林府院君德陵養為子附籍于宗簿寺曰  
謙僉議贊成事三子受元朝宣命準謙皆為萬  
戶煦郡公女適密直右副代言安惟忠次適判  
三司事李齊賢次適宗室順正大君王瑋次適  
宗室淮安大君王珣三壻亦受宣命惟忠萬戶  
府齊賢斷事官瑋蒙古翰林學士諸孫及曾孫  
男女內外一百有餘人每歲時內集軒蓋填門  
朱紫盈庭至有玄孫之戲緣于前者嗚呼域哉

豈非積善之報也銘曰

予于權公匪惟門生謂公曰舅公謂我甥下國  
之薨公命作銘感念之懷得寓斯文自不計于  
親嫌之倫也然其克孝于姑克順于夫相敬如  
賓登偕八旬兒孫棣々百十其慶爵命其膺謚  
策其承哀榮終始女中汾陽徵予之辭固足以  
歷世而流芳者矣

至正四年九月日刊

益齋亂藁卷第七

益齋亂藁卷第八

謝聖旨表 明陵代

起居

垂髫北上三年別荷于眷憐銘骨東歸一日何  
忘于請祝

謝表

諄々之命用示恩威眇々之躬徒增感愧云々  
在衡若舜弛若如湯克類克明參兩儀而立極



以寬以簡一四海之歸心臣猥將鯨角之年親  
奉垂衣之化願遭家之不幸恐無地以自安特  
降鳳綸委以藩宣之寄載馳龍節申其策勵之  
辭豈惟臣庶之舉欣是是宗祧之攸賴茲蓋義  
敦柔遠仁撫恤孤念齊桓尊王之功欲存後裔  
使蔡仲繼父之業以蓋前愆臣敢不夙夜以欽  
遵庶生成之攸賴

謝御衣酒表

起居

又臨普率恩徧瀆海之封嬰慕寬仁心切後天  
之祝

謝表

皇華傳命示寵賚之非常弱質踰涯抱感情之  
罔極欽惟奉先惟孝字小以仁記勤王于聖武  
之朝惠鮮遠俗念尚王于世皇之日保佑孱孫  
特宣器勿之言魚致殊尤之錫仙壺九醞濃含

雨露之香宮錦一封爛吐雲霞之彩決洽自天  
之澤懽呼滿國之榮臣敢不每思醺骨之恩庶  
盡糜軀之効

乞比色目表

起居

比一國于萬邦僅同黑誌祈億齡于九闔別有  
丹誠

請表

天必聽卑曲從人欲事難泥古斷在帝心輒露  
愚衷敢塵睿鑒云々伏惟能哲而惠自誠而明  
遵列祖之憲章簡臨寬御曉多方于品制適肅  
遠安已推彰信之仁又薦念功之義願惟敵邑  
服我大邦敵愾攻遼助聖武東征之旅觀光過  
汴迎世皇北上之師遂蒙釐降之榮獲守藩宣  
之寄洎子孫而相繼講甥舅之至歡及際休明  
益深緣幸元良載誕允孚四海之情寡昧自矜



私謂三韓之福念曾叅朕芳于玉葉遂毓慶于  
璿源既然得附于本支何乃未同于色目肆歷  
由衷之懇佇沾無外之恩伏望賜以俞晉順其  
景慕臣謹當感聖化于桑城庶臻魯變奏忠誠  
于楓陛永負嵩呼

陳情表

起居

若東海百川之赴孰敢後于朝宗致南山萬壽

之乎臣獨先于請祝

陳情云々欽觀至正五年月日頒降詔書  
條畫內一款今後漢人高麗人南人等授  
充勅薛者並在此限伏讀已還張惶隕越  
不能自己仰讀天聽者

天地無私順物情而並育帝王有作觀民志以  
必從敢進瞽言佇回聰聽云々能哲而惠所存  
者神巍乎有功煥乎有文尚敦恭儉道之以德

齊之以禮伏念雍熙自聖朝奮義而肇基惟小  
國向風而先服助威討賊遏遼民狼顧之謀冒  
險迎師贊世祖龍興之業由是講甥舅之親委  
以保釐徵子弟之質備于宿衛坐得次于雄吉  
刺台飲亦參于闈于也速况今坤元配德震索  
儲祥故以愚衷而自揆與諸異姓而不倫伏望  
勿遺既往之忠勳亦念難遭之緣幸俾同世威  
免貽沙汰之嫌益戴皇恩庶盡粉糜之教

為公主乞賜稱陳情表今代  
起居

守封青社阻承晉接之日三貢祝丹霄常效嵩  
呼之萬歲

### 陳情表

嬰孩強聒專憑慈父之憐后帝亶聰曲徇愚民  
之欲冀紆睿鑒優納懇言云々自誠而明慮善  
以動任賢勿貳開慶會于十年立愛惟親得懽



心于四海願將庸品瑞幸昌辰苟陳有切之懷  
豈阻必卑之聽尚王姬而作配不為榮乎令國  
俗以斥名非所直也因念臣之曾王父忠烈王  
國大長公主之稱臣之王父忠宣王諱尚寶塔  
室隣公主受爵韓國長公者曾塔寶禮公主  
屬在金枝之譜意存彤管之規若蒙陛下矜其  
來處于遠方許以追遵于舊例疏恩九闈俾穰  
李以增華感德三韓拍大椿而獻壽

謝銀字圓牌表

起居

表東海以為封曾叨寵命拱北辰之居所庶效

忠誠

謝表

言伏蒙陛下賜臣鋪馬聖旨六道銀  
字圓牌三面臣之祖父忠宣王臣某  
所嘗拜賜者而藏在上司已有年矣今志  
命之於臣與國人不殊驚感陳情謝萬

一者

聰聽必卑天豈鶴鳴之相阻睿思偏重山非蚊  
負之可勝惟一國之感銘寶四方之欽慕伏念

遭逢咸朝宿衛多年言告言歸雖較趨蹌之列  
而康而色每容敷奏之辭通因賤介之還回與  
先臣之璽書六軸承使命以有憑銀字三符報  
軍清而無滯茲蓋伏遇簡臨寬御厚往薄來推  
博愛於邊氓視同內地記微勞于上世撫及後  
昆臣敢不率祖攸行述候所職春秋朝覲對揚  
天子之休夙夜靖共請祝聖人之壽

陳情表

起居

承賜履于東方庶遵箕子八條之化望垂衣于  
北闕竊效封人三祝之誠云云事宜陳而自然  
豈人臣諒直之心言可採而必從是聖主包容  
之度敢據愚托庸躋聰聞云云體禹儉勤濟湯  
勇智簡臨寬御啓洪業于竹苞厚往薄來致庶  
邦之葵向伏念小邦爰自祖宗之代獲叨甥舅  
之榮土風雖愧于中原天幸多逢于上國茲者



榮安王太夫人李氏衣冠奕葉禮義名家敏德  
坤元曾踐黃金之屋儲祥震索當開碧縷之門  
竊聞皇朝之法有所謂孝凡兒者合姻婭之歡  
為子孫之慶古既如是今胡不然若蒙陛下為  
太夫人李氏舉盛禮之優、示殊恩之衍、則  
九族感睦親之義誓永世而不忘一邦殫歸美  
之誠祝後天而難老

孝凡兒托奠後謝表

起居

父臨普率旁推一視之仁嬰慕聖明家有三呼  
之祝

謝表

乾坤邈矣敢期吁籲之間草木微哉忽致恩榮  
之沐感驚及至蹈舞不知云、體禹儉勤躋湯  
聖敬遵祖宗之典禮雖舊惟新擁廟社之休祥  
于斯為盛魚屈聽卑之鑑克敦字小之仁春言

出日之邦生我倪天之妹美鍾坤順遵母儀于  
六宮慶毓離明固邦本于萬歲于是降璿源之  
貴威馳玉節之重臣陳飲食以賜歡育金繒而  
將意既醉以德為永好于舅甥不顯其光想欣  
觀于夷夏臣敢不念其卵翼報以粉糜專述職  
于冀封每輸誠于華祝

字兒托宴後謝皇太子殿賤

天一清地一寧遠啟文明之旦星重輝海重潤

誕膺監撫之權舉率土以共欣况小邦之多幸  
今者皇帝陛下特降慈之太子定安平章等官  
未賜字兒托之宴茲蓋伏遇皇太子殿下學將  
日博德與年豐既非儲位于青宮益萬孝誠于  
丹宸謂慈闈之桑梓難比庶邦導皇澤于雲霄  
俾張嘉會山川聳動而相慶父老矜歡于幸觀  
某謹當益殫不貳之心永祝無疆之壽

皇太子封冊賀表



起居

昔陪京輦與霑行葦之恩今守海藩願獻蟠桃  
之奠

賀表

體元當宇開萬世之丕圖立長承桃述百王之  
盛典德音覃被瑞應孔彰云々以乾健而簡臨  
得離明之善繼嚴師傅之禮夙著令開委監撫  
之權允孚輿望茲蓋宗社垂祉天人協謀因推

廣愛之理更有好生之仁四海共欣三韓尤慶  
伏念臣曾荷金門之通籍久叨銅禁之侍書奉  
日覓趨恨未恭于嘉會聆風燕賀誠有倍于恒  
流

皇太子上同戕

起居

恍若塵微愧之培山之效夢勞天遠謾輸披霧  
之心

賀成

惟忠惟孝允孚上帝之心以長以賢遂正前星  
之位輿情攸屬邦本不搖云々德稟川冲學博  
日就珣珉錫冊永觀萬國之貞青蓋乘車端奉  
一人之慶躬任承祧之重意專問寢之勤伏念  
早忝末僚優承厚眷鯁冷滯迹未預賀班鵠海  
馳誠難禁喜淚

謝功臣號表

起居

聞九奏于中天猶尋一夢放三呼于嵩嶽每祝  
萬年

謝表

言至正十六年二月二十日使臣等  
以中書都堂鈞旨欽奉宣命而至臣  
謹與一國臣僚備禮儀出城恭迎望闕欽  
受伏讀命節文授臣親仁保義宣忠奉國  
彰忠靖遠功臣者臣頓首拜手神鬼  
越涕泗交頤不知踊舞感激無窮者

千載一時欣戴自天之命四方萬國聳聞稀代  
之榮銘骨何忘粉身難報欽惟云々以簡臨下



惟精執中率祖攸行不怒而威不言而信順帝  
之則所過者化所存者神至如草木之生成皆  
是乾坤之休養伏念爰從弱歲獲覲清光充宿  
衛于危樓既之絲毫之補襲藩宣于鯨域亦微  
尺寸之功何圖十有二字之褒謬及百無一能  
之品茲蓋伏遇記累世動王之効憐愚臣戀主  
之誠特垂綸綍之言用此鼎鐘之刻臣謹當志  
求仁而務惠于物身服義而願忠于君保遠民

蠢之情庶幾致于安靖巖上國明之之訓敢  
不奉以周旋

詔赦謝恩表

起居

北辰居所下臨祈水之津東海守封上祝蟠桃  
之歲

謝表

乾坤洪造曲全庶物之生父母至仁旋棄痴兒

之過云々乃神乃聖以簡以寬理尚無為體舞  
干于大舜心敦不忍法弛若于成湯故茲四海  
之康繫我一人之慶伏念幸遭盛際叨襲敝封  
賊于亂常殆將覆國愚臣應猝不及聞天令者  
伏蒙云々推視遠之明廓包荒之度揆事機之  
非所得已矜情贊之無可奈何霽雷霆之威既  
後不咎成與惟新乾坤全物之生父母棄兒之  
過亦不足為喻也人非木石豈不知感臣謹布

德音于臣庶以寧一邦修職貢于歲時無替萬  
世

乞退殘

臣于今月十七日墮馬傷  
足不能坐五乞免職任者

海鼇舉手庶幾卻戴于靈山廐馬傷蹄詎可齊  
驅于青路肆陳卑抱庸瀆曾聽伏念臣鉛槧劣  
能斗筭賤品濫據秉鈞之任常懷履餗之虞有  
果致元宗之足疾靡堪頒賈之膝行呻吟衽席  
之間匍匐天尋之內茲蓋才微責重福過災生



遭口吻之筮簧勢難共處損筋骸于銜燼誠令  
退藏伏念於臣欲省事而養疴臣非矯情而辭  
寵致令臣桑榆晚景謝軒裳之榮蓬萊閑居收  
藥餌之效專祝岡陵之壽少酬天地之私

臣頃以足疾乞退伏聞又下批授依前職  
任加十字功臣之號不勝恐懼更乞辭免  
者

量能用舍仁君豈責所難揣分行藏賢士免罹

于禍真回聰聽優納輦言伏念臣腐爛之儒迂  
濶于事智不周于衛足已速厥顛誠益切于乞  
骸自甘屈蟄何假殊尤之寵復加疋痒之軀臨  
觴之鳥魂驚金奏伏櫪之馬驚却錦幪人將群  
起而爭嘲臣固反觀而增愧曷以往來之連蹇  
強為揖讓之雍容伏望吐溫然之俞音全耄矣  
之殘喘三董三浴拜孔光歸第之榮一壑一邱  
儻弘景掛冠之志

臣某病既彌留再上戕乞退今月二十五日伏蒙上慈特遣左副代言臣柳淑鷹揚軍上將軍臣金鏞就賜臣教書不允其請顛倒感激夜不能寐伏地嗚咽更陳愚抱者

任而所欲忠者主耳苟非才空忝于恩榮老矣不能退則士乎况多病敢安于祿位漉誠呼籲揆理矜臣伏念臣為宰相之盲病類浮圖之覺

經綸任重慚秉筆以昏、劍履班崇還恐執圭而蹶、分甘鼈縮望絕鳧趨敢忘密勿之言強起敵危之步先以爪牙重將臨視草廬申之喉舌名臣奉傳芝檢光生闐闐聲動指紳既蒙眷遇之無前肯慮死之在後伏惟察難回之懇憐垂盡之年致令臣收六尺之頑軀避賢者路散一簪之華髮送老于家

臣再上戕乞退未蒙俞允今已旬月病勢



增加復陳悃誠仰冀天聽者

葵心有切雖知向日以獨傾蒲質既微惟恐望  
秋而先瘁將乞骸骨屢陳肺腸伏念受知德陵  
而靡有才能逮事肅禰而亦無毫補黃緣感際  
累蒙衛鶴之榮免餘生庶效隋蛇之報願精  
神之昏耗由老病之連綿豈念竊位而忘羞不  
函避賢而謝事外戚如洪冢罕勇退中年邊功  
若庶元戎屈居下坐孰如七旬之痴漢反為一

國之重臣伏念優納懇詞俾從初服則臣迹常  
留于輦轂休歌擘之之紫芝夢亦想于冕旒能  
賦猗之之藁竹

乞免書筵講說舉贊成事安軸密直副使

李穀自代牋 明陵代

伏以致敬盡禮人君乃能得帥推賢讓能臣子  
所以輔主頃承綸命久侍書筵舉止迂踈而未  
足以格非見聞鹵莽而無益于取正臣猶知愧

孰不忍欺而况素髮蕭條玄花掩蔽耳類許丞  
之重聽臂同杜子之偏祐眷戀軒墀苟不桑榆  
之收晚景顛擠溝壑恐難松柏之保歲寒切見  
僉議贊成事安其器直副使李 某清介無華瑞  
方有守少一句 學問高于東方才名動于上國  
擇于二俊替此一愚重席談經彼得贊右文之  
化閉門謝事臣何忘優老之恩

益齋亂藁卷第八

益齋亂藁卷第九上

有元贈敦信明義保節貞亮濟美翊順功  
臣太師開府儀同三司尚書右丞相上柱  
國忠憲王世家

謹按本國世代編年太祖姓王氏諱建字若天  
考金城太守諱隆妣韓氏唐僖宗乾符四年丁  
酉正月丙戌生于崧岳南第生而聰明器度雄  
深包濟世之量昭宗乾寧三年丙辰年二十始



仕泰封王弓裔為鉄原京太守屢五大功乃遷  
水軍將軍波珍養侍中位冠百僚弓裔縱虐嗜  
殺梁貞明四年三月騎將裴玄慶洪儒卜智謙  
申崇謙等四人詣王私第議曰今弓王無道惡  
浮桀紂吾輩所以會此者欲公救民耳王變已  
固拒之諸將曰天與不取反受其咎當令德望  
靡有居公之右者豈可違天命受制于獨夫之  
手乎夫人柳氏在帳中出曰舉義代虐自古有

之今聞諸將之言妾猶自奮况大丈夫乎手提  
甲以被王身諸將扶擁而出令人前行呼曰王  
公已舉義兵矣國人先至宮門鼓噪而待者萬  
計弓裔聞之微服遁于巖谷為奔壤民所害是  
日王即位于布政殿國號高麗二年都松岳郡  
十八年新羅王金傅請入覲其國臣庶皆隨之  
車騎連亘三十餘里十九年正月百濟王甄萱  
為其子神劍幽于金山佛寺逃奔錦城請入朝



及至待以厚禮王親率三軍與神劍戰于崇善  
城斬之緩轡行徐至百濟王都慰撫曰元兇  
已滅赤子何辜民大悅九月還受百官朝賀親  
制政誠一卷誠百僚詩八篇信書十條垂成嗣  
承為龜鑑二十二年晉帝遣國子監博士謝攀  
等冊王為開府儀同三師檢校太師立菟州大  
都督高麗國王二十六年夏五月丁酉薨子惠  
王立諱武字承乾相表奇偉膂力絕倫每從太

祖征伐四方執弓帶劍先導後衛與士卒同甘  
苦百濟之戰奮勇先登大破之晉天福八年五  
月奉遺命即位三年九月戊申薨弟定王五諱  
堯字義天四年三月丙辰薨弟光王五諱昭字  
日華即位之初以禮接下恤孤寒重儒雅夙夜  
惟寅刑政不濫六年令百官衣冠從華制九年  
五月丙申命翰林學士雙翼知貢舉試得甲科  
進士崔暹等科舉之興始此二十六年五月甲



午王薨子景王立諱佃字長民溫良仁厚不好  
嬉遊既即位志取前朝所受讒訕之書焚之中  
外大悅六月七月丙午薨成王立諱治字溫古  
太祖之孫也采太平興國六年七月景王寢疾  
引入卧内執手嚙國事景王薨王即位九年六  
月令職在言責者事有不合子理當須固執確  
論五品以上各言時政得失民間利害十一年  
五月命五品以上各舉賢良所舉者德行才術其

疏名下十六年十二月二十七日薨穆王立諱  
誦字孝仲景王之長子成王愛如已子契丹統  
和十五年十月受成王禪即王位十二年二月  
康兆反三月十三日王薨顯王立諱詢字安世  
太祖之孫也穆王無子寢疾遣皇甫俞義迎立  
之放前代宮女百餘人罷教坊壞池苑放禽獸  
元年十二月契丹帝討康兆執歸誅之二十三  
年夏五月辛未薨子德王立諱欽字元良三年



九月癸卯薨弟靖王立諱亨字中昭十二年五月丁酉薨弟文王立諱徽字燭幽十五年三月謁文宣王廟二十二年九月甲申中書令崔冲卒謚文獻公冲以門下生徒分為九齋曰樂聖大中誠明敬業造道率性進德大和待贈自公卿遠庶下至州縣舉子皆隸名籍中以習聖人之道又物由是益盛三十七年七月辛酉薨子順王立諱勳字義恭服喪哀毀過禮因得疾十

月二十三日薨弟宣王立諱遵字繼天十一年五月壬寅薨子獻王立諱昱二年八月以病讓位于叔父雞林公明年二月甲辰薨肅王立諱顥字天常又王第三子也幼而聰慧長而孝敬博通經史勤儉果斷又王寵愛之嘗曰後之復興宗國其在汝乎始封為雞林公遼壽昌元年十月庚午受獻王禪乃即王位十一年十月丙寅薨子睿王立諱俟字世民三年七月親釋奠



於文廟四年秋七月始為國學試。取太學崔  
敏庸等七十人武學韓子純等八人分處七齋  
周易曰麗澤齋尚書曰待聘毛詩曰經德周禮  
曰求仁戴禮曰服膺春秋曰養正武學曰講藝  
十六年六月大旱開清燕閣命起居舍人林存  
講詩雲漢學士朴承冲講書洪範得雨十七年  
夏四月甲午薨于仁王立諱楷字仁表性仁孝  
寬慈好學明多才藝敬師傳禮臣僚睿王及王

后尤所鍾愛四年國舅李資謙與平章事卓俊  
卿作亂知泰房事崔思全兵部尚書金珣以義  
諭俊卿俊卿感悟擔王于肩仗劍一呼資謙之  
徒凡解王登廣化門樓軍民瞻望歡呼聲動天  
地十一年五月蝗蟲食松葉王諭群臣曰京房  
曰食祿不益聖化天示以蟲之無益于人而食  
萬物者予以不明用非其人苟聞昌言安敢不  
從其有公清正直節義可尊者具以名聞將陟



而勸之貪求冒利暴戾殘賊者勿論親疏貴賤  
以其罪聞將黜而戒之自是月不雨至秋七月  
王如奉恩寺禱雨于太祖真得大雨三日二十  
四年二月丁卯薨子毅王立諱覲字日新二十  
四年八月鄭仲夫反與諸將官殲朝臣王遜于  
巨濟弟明王立諱皓字之旦三年太僕卿金甫  
當全州收使裴純祐等謀舉兵以迎前王不克  
皆死仲夫遣李義政候前王十月一日前王薨

九年大將軍慶大升斬仲夫及黨與前朝逆臣  
皆伏辜惟義政逃以免二十七年遜位于弟樂  
浪公至五年十一月薨神王立諱焯七年正月  
丁丑薨子熙王立諱骸字不坡為世子常開經  
筵與僚友講經史四年十月乙亥享國老庶老  
孝子賢孫義夫節婦鰥寡孤獨為疾廢疾賜物  
有差七年十二月郎中王濬明謀誅崔忠獻  
不克是月王遜于喬桐至高王二十五年八月



戊子薨康王五諱祿字法柱明王元子二年八月九日薨子高王五諱暉字大明實忠懿王以金明昌三年正月十八日生崇慶元年七月二十五日冊為王世子加元服王天姿慈祥性謹厚妄言談嘗受學于名儒俞升且留心經史初晉康侯崔忠獻自明王時專國柄至是凡二十四年子晉陽公孫怡繼政三十二年子晉平公孫沆孫誼又相次繼之擅廢立作威福者四世六

十年王小心守法進退以禮權臣雖跋扈故莫敢凌也元年大蒙古太祖成吉思皇帝舉兵攻金之人大敗燕氏餉天兵之留守者醉而殺之有遼之遺種金山王子金始王子等乃乘釁而起自稱為大遼收國王以鷓兒乞奴為元帥驅掠中原人民以拒天兵請地及兵于我，不許丹兵遂闖入我疆保江東城王命左僕射寶文閣學士趙冲上將軍金就礪等將兵禦之五年



十二月成吉思皇帝遣元帥哈真副元帥札刺  
稱蒙古國行尚書省與東真國大將完顏子淵  
討金山王子等時天甚寒大雨雪糧餉不至丹  
兵堅壁據險以待其斃哈真遣使者十二人與  
我德州進士任慶和偕來投書于我欲與共滅  
丹賊結為兄弟之國王勅趙冲就礪等出兵轉  
殼合力破賊就礪至軍中哈真等使通事趙仲  
祥語之曰果與我連和宜先遙禮蒙古皇帝次

則又禮萬奴皇帝就礪曰天無二日民無二主  
天下安有二帝遂禮蒙古皇帝而不拜萬奴哈  
真等大奇之又見就礪狀貌奇偉遂與同坐共  
飲議破賊之計哈真曰兩國已為兄弟何憂破  
賊乎明日趙冲引兵至哈真與之合軍大振環  
賊壘四面攻賊計窮出降王子自縊其偽丞相  
平章以下凡百餘人皆斬之于是哈真等與趙  
冲就礪指日同盟萬世子孫無忘今日分其俘



虜為信我處之郡縣之間今處、有契丹場舊  
地是也二十八年遣王姪永寧公王綽率衣冠  
子弟十五人入為禿魯花四十六年春三月王  
將親朝以疾不果遣世子入侍至六月晦薨壽  
六十八在位四十六年遺書曰教臣僚眾庶于  
德薄負重疾病彌留粵惟王位不可虛矧予元  
子其德足以亦聞于上乃命以位凡爾官司各  
執爾事各聽嗣王之令嗣王入朝未還其間軍

國庶政聽于太孫卜宅之制務從儉德易月之  
服三日而除遵行上國喪制毋以死傷生武宗  
皇帝下詔追加封贈制若曰昔我太祖皇帝奮  
舉漢北也東征西旅分甸南服昭德示威所向  
臣妾惟時三韓壤相連境天戈一臨故高麗國  
王王暉深察機運舉國內向事會之未聞不容  
髮自非秉志端慈明識遠慮孰克如是我又屬  
遼民餘孽僭竊島嶼狂肆弄兵陸梁假意重煩



命將致討于時冰雪五寒饋餉不通而噉乃能  
供待轉輸師皆宿飽軍與器仗資助無闕復濟  
師徒殄戮殘寇其于肇造開基五勲王室保民  
興邦莫與之比故得守土享年始將四紀澤及  
後昆流慶斯永傳于若孫與國連歲不其臈歟  
是宜追崇上爵仍易嘉名魂而有知歆茲異教  
可贈敦信明義保節貞亮齊美翊順功臣開府  
儀同三司尚書右丞相上柱國高麗國王謚忠

憲云世子之入朝也叅知政事李世材樞密院  
事金寶昂借將軍金承侯行首金大才少卿李  
凝謁者吳軒李傑舍人鄭均錄事李承衍李君  
伯等四十人賢後之至燕京憲宗皇帝南征駐  
蹕釣魚山于是離燕京將詣行在道過京兆潼  
關守土者延至清華館請浴溫泉謝曰此唐明  
皇所嘗浴者雖世異人臣安敢褻乎聞之者歎  
服至六盤山憲宗晏駕而阿里孛哥阻兵朔野



諸侯虞疑固知所從時世祖皇帝觀兵江南世  
子遂南轅開闢至梁楚之郊世祖遠自襄陽班  
師北上奉幣帛謁于道世子軟角烏紗幘頭廣  
袖紫羅袍犀鞋象笏眉目如畫周旋可則群寮  
各以品服排班于後世祖驚喜曰高麗萬里之  
國自唐太宗親征不能服今其世子自來歸我  
此天意也大加褒獎與俱至開平府本國以高  
王薨告乃命達魯花赤忽伯反護其歸國中統

元年四月四日乃即王位是為元王母曰安惠  
王后柳氏以金宣宗與定三年己卯三月十九  
日生于乙未正月二十日冊為世子諱祖字曰  
新中統五年夏五月天子乃遣必闌赤忽兀禿  
來詔曰今歲王公群牧咸會王都王其乘驛而  
朝秋八月王親朝從之者平章事李藏用樞密  
院副使蔡植等五十人天子所以待過之諸侯  
王莫敢望東氏之被虜掠及遁逸而入中原者



斷自己未年後悲歸之初權臣崔誼死高王遣  
大將軍朴孝實將軍趙文曹入告曰本國君臣  
所以未盡事大之誠徒以權臣擅政不樂內屬  
故爾今崔誼已死即欲出水就陸以聽上國之  
命而天兵登境比之穴鼠為貓所守不敢出耳  
憲宗然其言命罷兵賜二人金符遣之及是樞  
密副使林衍放海陽公金仁俊及其黨與遂專  
國政自知罪稔必為上國所討凶謀益甚十年

六月二十日擅立王之母弟安慶公瑁為王  
出居西宮朝野莫不傷心世子諶在上國將歸  
至婆婆府聞廢立事還入奏之世祖皇帝遣幹  
朵兒不花李鶚等下詔曰諭高麗國文武臣僚  
據世子未奏本朝臣下擅自將國王廢去以其  
弟安慶公瑁為王朕初聞之以為誠偽無徵未  
可深信國王嗣位以來未聞有過苟有過失諫  
而不悛當控告朝廷以聽朕區處不告朝廷臣



下擅自廢立且古以來寧有是理今遣使臣幹  
朵兒不花李鶚等前去詳問若傳聞之誤王身  
無笑于汝何責如其果然敢有將國王與世子  
并其族屬一有賤害者朕必無赦汝等其明諭  
朕心審思臣節當條興以聞繼遣黑的徐仲雄  
等來命王復位親朝林衍夏懼發疽而死其子  
將軍准茂聞王與頭輦哥國王等引兵來于是  
移牒州縣卷入海島自率三別抄將以拒命大

將軍朱松禮中丞洪文系殺准茂然後出江華  
復宅松都准茂餘黨掠士女盜府藏方舟而下  
據珍島又移入耽羅王遣樞密副使金方慶與  
上國元帥阿海皆討平之于是帝下詔曰頃以  
林衍叛逆命出師撫定爾國今罪人殄滅卿以  
奠居古京東方無事矣然念罹茲變東土之民  
人不無驚擾自今以往卿其保全生聚諭以朕  
意俾各安生業毋或妄生猜釁十五年六月十



九日薨壽五十六在位十五年武宗皇帝追加  
封贈制名曰洪惟我祖天錫勇智表正萬邦乃  
眷爾冢世萬忠貞厥有成績蓋本深者未茂德  
厚者流光故高麗國王之植祗訓向方飭躬迪  
吉佩服儒雅奮厲才猷初父命之親承以貢珍  
而入覲會桓肅西巡于川徼而世皇南撫于江  
瑯亟期行李之通寧恤歲華之易逝屯以阻內  
訖仍邁于冢艱渙汗其申還納旋膺于畫接中

統之風雲再啟三韓之疆宇重臨從容必中于  
事機造次不忘于禮憲首遣明廷之質有來冢  
嗣之良釐降辰親之榮異于他姓服勤尊王之  
義並拱中天不聽是征屢為先道奉朝斯謹固  
失常期乃孫繼尚于王姬而國允資于碩輔有  
為有守昔勛濟之功多言感言恭茲弼諧之望  
著盍旅舊哲庸責嘉稱大師維垣爵以取其貴  
君子如社制以象其賢庶幾訓示之遵亦曰徽



藝海樓  
羹之舉於戲匪報也永以為好也思隨鷺檢以  
頻疏惟有之是以似之系與鴨江而並遠可贈  
端誠奉化保慶亮鄧康濟佐理功臣太師開府  
儀同三司尚書左丞相上柱國高麗國王謚忠  
敬云世子諱諶後改昨母順敬王后金氏以忠  
憲王二十三年二月丁卯生焉忠敬王入朝未  
還而忠憲王薨遣令軍國政務聽于太孫中統  
元年忠敬王即位八月冊為世子明習國家典

故祖宗法度喜怒不形于色寬厚長者也幼向  
學讀書知大義嘗與大司成金垓國子祭酒李  
松縉唱和有集行於世至元六年入朝八年又  
率衣冠子弟二十人入朝為禿魯花十一年釐  
降忽薦勸達思公主是年忠敬王薨詔曰諭高  
麗國王宗族及大小官負百姓人壽國王在日  
屢言世子可以承替今命世子承襲國王勾當  
凡在所屬並聽節制由是八月歸國即王位時

軍旅之後民物凋瘵公主性嚴明果斷內外震  
懾王濟之以柔事無過舉數年之間國家晏然  
風俗歸厚以本國官制有同于上國改中書省  
尚書省並為僉議府樞密院為密直司御史臺  
為監察司禮史並為典禮司刑部為典法司凡  
其餘官寺之名皆改之侍中為中贊平章事為  
贊成事叅政為叅理金紫光祿為巨擘銀青光  
祿為奉翊其餘階官之名亦改之是年遣堂弟

希方公王徵入朝為禿魯花先是帝為賜日本  
國王書謝以入朝又遣趙良弼為宣撫使往覓  
不得其要領及王即位帝以金方慶討珍島耽  
羅其方略威信可囑大事台至闕庭命修戰艦  
與元帥忽篤浮海討日本破其一岐對馬伊靈  
等島以糧盡還八年辛巳即至元十八年也又  
大舉忻篤奈丘領蒙漢軍發合浦上宋降將范  
文虎領蠻軍發四明朝至日本城下合戰王復



以金方慶為元帥領高麗軍偕進范文虎後期  
且值大風蠻軍皆沒所薦茶丘等亦多棄士卒  
僅自脫歸金方慶獨力戰至霸家台諸軍不繼  
亦引還于是詔王為征東行省丞相自吏皆從  
王保舉不拘常選十四年乃顏叛王掃境內軍  
士刻日親赴行在未至乃顏敗帝謂王地遠不  
及事勤王之誠足勸天下即令罷兵乘驛而朝  
乃顏之黨哈丹收散卒眾號十萬脅掠水達

女真之地闌入我疆分軍為二一自鐵嶺一自  
竹田直趨王京王命萬戶印侯韓希愈羅裕禦  
之會帝遣迺蠻歹薛闊干等引兵未遂與之合  
大破哈丹于燕岐之野匹馬無還者然比年國  
人征戍轉餉夫其農業以致飢饉帝以海船輸  
江浙米十萬石賑之二十年入朝帝崩與議立  
成宗以王光朝勲咸遇之甚厚所言皆聽大臣  
丞相伯顏完澤達罕忽古孫太師月知節亦莫

敬鈞禮二十四年公主薨以病遜位于世子諱  
封為逸壽王明年復位又十一年乃薨壽七十  
三在位三十五年武宗皇帝加封贈制曰朕觀  
今天下有民社而王者惟是三韓及祖宗而臣  
之殆將百載厥又蓄而子復肯播曰我舅則吾  
謂之甥既勲以親且貴以富禮克先于事大典  
可後于追崇故純誠守正推忠宣力定遠保赤  
功臣太尉開府儀同三司征東行中書省右丞

相上柱國駙馬高麗國王王昺移孝為忠易威  
以惠禮樂刑政之修者典章文物皆燦然惟大  
猷之是經典小心之以翼初由世子已帝女之  
降釐旋俾嗣王非公孫之復始遂罷時貢其方  
物願同歲賜于宗親責秉鉞以東征期奠枕于  
南面追叛王挺身于遼水出奇兵登那子泰山  
戰堙未旋逆首已授雖居位未周夫三紀而享  
年賢過于七旬中壽共言今代希有矧其子式



穀之是似則斯人沒世為不忘自官階而進之  
至師垣而極矣夫既封玄菟之墓表滄海以為  
襟何必刑白馬以盟誓黃河之如帶尚期貞魂  
庸服恤章可贈純誠守正推忠宣力足遠保郎  
寅亮洪化奉慶功臣太師開府儀同三司尚書  
右丞相上柱國駙馬高麗國王謚忠烈翰林學  
士承旨姚燧之詞也忽薦妯里末思公主至元  
甲戌東歸明年九月丙戌生世子始諱諫後改

璋字仲昂方在襁褓祿公主入朝抱以見徽仁裕  
聖皇后<sub>二</sub>拍手呼之便匍匐投諸膝下后名之  
曰益智禮普化至年十六入朝世祖皇帝引見  
便殿隱几而臥問爾所讀何書對曰有師儒鄭  
可臣閔漬在此宿衛之暇乃時從質問孝經論  
孟帝大悅試喚可臣來世子引與俱入遽起而  
冠責曰爾雖世子吾甥也彼雖陪臣儒者也何  
得令我不冠以見因賜坐問本國世代相傳之

序理亂之迹自辰至未聽之不倦其後命公卿  
議征交趾有詔高麗世子之師二人名與同議  
二人議曰交趾遠夷勞師致討不如遣使招來  
如其執迷不服聲罪而征之一舉可以萬全對  
稱百于是可臣遂授翰林學士清直學士時人  
榮之成宗初尚寶塔賈憐公主受遜位于忠烈  
王大德二年即王位任賢使能去邪革弊時有  
驛騎病肥驛卒病踵之語蓋人畜之習于奔走

者得久聞必致此患以言使者之稀也公主之  
乳媪與本國患得之人潛謀以公主失愛訴于  
中宮以故召入宿衛者十年武宗仁宗龍濟與  
王同臥起晝夜不相離大德十一年王與丞相  
達罕等定策奉仁宗掃內難以迎武宗功為第  
一封潘陽王推忠揆義協謀佐運功臣駙馬都  
尉勲上柱國階開府儀同三司寵眷無出右者  
仁宗為皇太子王為太子太師一時名士姚燧



蕭糾關復洪革趙孟頫元明善張養浩輩多所  
推轂以備官官至大元年忠烈王薨奔喪晝夜  
不息十餘日至王京及出殯斬哀之服步至山  
陵復王然後乃歸元世未嘗行也于是冊為征  
東省右丞相高麗國王兼潘王尋拜太師初本  
國權臣仍世專政集文士有才望者置之府中  
號政房百官陞黜皆令注擬啓于國王不得  
已皆可之即施行焉宰相拱手奉行文書而已

權臣亡政房之名猶在故執政承百權重于宰  
相至是王謂安有宰相而不知銓選者乎遂以  
文資之選歸之典理而首相主之武選歸之軍  
簿而亞相王之官人之汰頗近于古定田賦立  
鹽法修荒政杜倖門規模甚備而臣下莫能奉  
承成其美意故澤之及民者未洽有識至今惜  
之皇慶癸丑遜王位于世子江陵君諱燾一名  
阿剌忒賢理尚英王女又尚魏王二女王有兄

日江陽君滋以非公王子不得立有子三人王  
愛撫如所生取第二子養之宮中名嵩又名完  
澤禿令襲爵為潘王尚梁王女王既謝兩王位  
留京師即稱病不朝請所居堂名濟美基德痛  
掃溉閉戶焚香竟日危生飲酒至多平居不進  
一盃甌中惟飼一馬聲色之娛鷹狗之玩不萌  
于心惟嗜浮圖法捨本國舊宮為昊天寺乃極  
土木之工範銅作佛三千餘軀泥金銀寫經二

藏黑本五十餘藏邀番僧譯經受戒歲無虛月  
人或以為言好之彌萬延祐初有鮮卑僧上言  
帝師八思巴製蒙古字以利國家乞今天下五  
祠比孔子有詔公卿耆老會議國公楊安普力  
主其議王謂安普曰師製字有功于國祀之自  
應古典何必比之孔子孔氏百王之師其得通  
祀以德不以功後世恐有二論事雖竟行聞者  
疑之科舉之設王嘗以姚燧之言白于帝許之



及李孟為平章政事奏行焉其源蓋自王發也  
右丞相禿魯罷李孟至王邸諭以爰立之意王  
謝曰臣小國蕃宣之寄猶懼不勝任乞付于子  
陛下許之矣况朝廷之上相哉安敢貪榮冒處  
以累陛下之明臣老矣專心事佛以祝聖壽臣  
之分也敢以死請帝聞之笑曰固知渠善避權  
也乃止其詳慎如此延祐己未諸降香南遊江  
浙至寶陀山蓋知時事將變真以避患有伯顏

禿古思者本國少尹朱冕家奴也自宮為闈童  
緣事仁宗藩邸佞險多不法王深嫉之伯顏禿  
古兒知其然乃思有以中傷者以帝及太后眷  
王之深不得發帝崩厚啗八吉思百計誣譖英  
宗不之察以學佛經為名竄之吐蕃泰定帝召  
還京師欲使返初服之國為王王固辭為二年  
五月卒百薨壽五十一在位凡七年王聰明強  
記事一經耳目終身不忘每論三代漢唐之君

臣得失滾々不窮尤喜大冢故事嘗使其僚佐  
讀東都事略聽至王旦李沆富韓范歐陽司馬  
諸名臣傳必舉手加額以致景慕之思至丁謂  
蔡京章惇等奸臣傳靡不切齒憤惋其好賢嫉  
惡蓋天性云

益齋亂藁卷第九上





